

四庫全書

子部

欽定四庫全書

六藝之一錄卷三百七十六

錢唐倪濤撰

歷朝書譜六十六

鑒藏

宋米芾寶章待訪錄

晉右軍王羲之書雪晴帖

右真蹟在承務郎吳郡蘇澈處集賢校理舜欽子也

帖尾有古跋君倩字及褚氏字印

陳僧智永真草書歸田賦

右真蹟在襄陽魏泰處故南昌人裝題曰虞世南白
麻紙有古跋曰開成五年白馬寺臨一過潭記某官
潭泰遊湖外攜行賞跋累日

唐率更令歐陽詢書衛靈公天寒鑿池帖

右真蹟麻紙在魏泰處

唐彭王傅徐浩書張九齡司徒告

右真蹟用一尺高絹書多渴筆詞云正大廈者柱石

之力匡帝業者輔相之功生則保其雄名沒猶稱其
盛德今在其孫曲江人嶺南縣令張仲容處某官於
桂林借留半月仍以紙覆裹欲為重背仲容惜其印
縫古紙不許九齡神道碑亦浩書

唐中書令褚遂良枯木賦

右唐粉蠟紙搨書也在承議郎合肥魏倫處收以為
真蹟魏氏刻石某官杭過潤借觀於甘露寺

唐太師顏真卿書送辛子序

右真蹟楮紙書在寶文閣學士謝景溫處前後為好事者以筆描二大印其文亂仍書鉉字其中幸不合縫鑒非鉉筆甚累墨寶其佐寶文於潭屢經賞閱

陳僧智永千文

右唐粉蠟紙搨者有古跋云契濶艱難不敢失墜信好事也在前國子監直講楊褒處得於外舅王安國某元豐五年過金陵見之內二真字雙鈎填者然人猶未信為搨焉

陳僧智永千文

右楮紙書唐人臨寫在宣德郎陳旴處恭公姪作梵
夾冊雖非真蹟秀潤圓活逼真今已罕得某嘗三閱
陳僧智永千文半卷

右黃麻紙唐人臨書在刑部尚書丹陽蘇頌處

王右軍蘭亭燕集序

右唐粉蠟紙雙鈎摹本在蘇澈處精神筆力毫髮畢
備下真蹟一等此幾馮承素輩搨賜大臣者舜欽父

集賢校理者購於蜀僧元霑某與激友善每過公必
一出遂親為背飾

唐太師顏真卿乞米帖

右真蹟楮紙在朝請郎蘇泚處度支郎中舜元子也
得於關中安氏士人多有臨搨本此卷古玉軸縫有
舜元字印范仲淹而下題跋某嘗十餘閱

唐率府長史張旭四帖

右真蹟在杭州陸氏大姓也舊有五帖第一秋深第

二前發第三汝官第四昨日第五承須今所存四帖
汝官後有一古印文記不可辨昨日承須二帖襞紙
也陸氏子素從奉議郎關景仁學闕因借撫三大帖
余邕見石本於鎮戎軍及冠官桂林朝奉大夫關杞
為使者語及始知石在關氏二十五官潭杞通判邠
州以石本見寄三十五官杭而景仁為錢塘令陸氏
子登進士第者來謁與關謝而閱之既見真蹟獨秋
深一帖詰之良久輒蹙而言嘉祐中太守沈文通借

觀拆留不還自此不復借出因亦不復借閱遣工樸
得之即歸詰遘弟邀時為郡從事乃言在其姪延嗣
處後復得閱今歸余家

王右軍來戲帖

右麻紙六朝人所臨寫旁註小真字數枚復以雌黃
覆之在蘇州故相丁謂孫景處後以一萬質於鄆州
梁子志處故相梁適孫也又有唐雙鈎樞帖亦在丁
景處其皆有題跋

韓擇木八分

右真蹟楮紙在丁景處第二行書官位以大字改為中字

唐太師顏魯公書命名兩字

右真蹟書嶺南刺史綬告在朝奉郎臨江許彥先處

唐辨才弟子草書千文

右黃麻書在龍圖閣直學士吳郡滕元發處滕以為智永書其閱其前空兩才字全不書固以疑之後復

空永字遂定為辨才弟子所書故特闕其祖師二名耳

唐虞世南枕卧帖

右雙鈎唐摹本在朝奉大夫錢塘關祀處上有儲氏圖書古印關嘗謂某曰昔越州一寺修佛殿於梁棟內龕藏一函古撫數十本所可記者王右軍十七帖世南枕卧帖十鬪九帖褚遂良奉書寧帖上皆有儲字圖書字印致功精絕毫髮乾濃畢備關與僧善購

得枕卧十鬪九書寧三帖

唐秘書少監虞世南積時帖

右古雙鉤摹本在承議郎洛陽李熙處翰林學士維之孫亦縫有儲氏印某借撫石

唐僧高閑草書千文

右楮紙真蹟在承議郎李熙處

唐禮部尚書沈傳師書道林詩

右在潭州道林寺四絕堂以杉板薄略布粉不蓋紋

故歲久不脫裴休書杜甫詩只存一甫字某嘗為杜
板行以紀其事沈牌某官潭借留書齋半歲捐得其
原本為撫石僧希白務於勁快多改落筆端直無復
縹緲縈回飛動之勢

唐太子率更令歐陽詢書漢書節

右褚冊小楷在潭州南楚門胡世淳處

唐歐陽詢書道林之寺碑

右在潭州道林寺筆力險勁勾勒而成有刻板本又

江南廬山多裴休題寺塔諸額雖乏筆力皆種種可愛

羲之千文

右褚紙書字筆力圓熟在宣州觀察支使王仲詵處故相珪之姪謬題賀知章書四字於韻字下非也

顏魯公頻首夫人

右真蹟褚紙破爛過半在駙馬都尉王晉卿家

孫過庭草書千文

右真蹟黃麻紙書縫有梁秀收閱字印王氏圖書四字隨圜四轉其異製也

懷素詩一首

右真蹟絹書在王晉卿家

張長史虎兒等三帖

右楮紙真蹟在王晉卿家

晉武帝王渾王戎王衍郗愔陸玩桓溫陸雲謝安謝萬等十四帖

右真蹟在駙馬都尉李公昭第武帝王戎書字有篆
籀氣象奇古墨色如漆紙皆磨破上有開元二字小
印太平公主胡書印世之奇書也王涯永存珍秘印
殷浩之印梁秀收閣古書記字印內郗愔一帖即閣
本法帖所錄者昔使王著取溥家書與閣下書雜摸
摸此卷中獨取愔兩行餘在所棄謝安慰問帖字清
古在二王之上宜乎批子敬帖尾也

晉謝奕謝安桓溫三帖

右真蹟麻紙書在李公炤家上有鍾紹京書印竇蒙
審定字印謝安一帖為後人恐墨淡復用深墨填過
使人悅怛與前卷並有絹帖書爵號自為名筆

黃素黃庭經

右同上字札古無褚陸體殆六朝人所作縫有鍾紹
京印後有陶穀漢時跋此書在李太師第固是甲觀
顏魯公郭定襄爭坐位第一帖

右楮紙真蹟用先豐縣先天廣德中牒起草禿筆字

字意相連屬飛動詭形異狀得於意外也世之顏行
第一書也縫有顏氏守一圖書字印在宣教郎安師
文處長安大姓也為解鹽池勾當官攜入京欲背予
得見之安自云季明文鹿脯帖在其家

晉王右軍稚恭進鎮帖

右麻紙書蹟後有太常卿蕭祐題跋在前著作郎王
仲修處

晉王羲之官奴帖

右雙鉤麻紙本亦在王仲修處

唐張右史季明賀八清鑑等帖

右楮紙真蹟筆法勁古不類他書季明第一書也在
承議郎蘇液處

懷素千文

右絹書真蹟在蘇液處沈邁刻板本是也

懷素書任華草書歌

右真蹟兩幅絹書字法清逸歌詞奇偉在駙馬都尉

王晉卿第尚方有三幅乃其後幅適完嘗請出第觀
復歸尚方

李邕多熱要葛粉帖

右白麻紙真蹟上有唐氏雜蹟字印陳氏圖書字印
勾德元圖書記字印紫微舍人石揚休物今在其孫
前宿州刺史夷庚處前一帖與光八郎謝惠鹿帖真
蹟余過甬上於夷庚處購得之

懷素草書祝融高座帖

右絹書兩行此字入神石紫微嘗刻石有六行今不見前四行問夷庚云在王洙參政家此亦為其子弟購去矣

陳賢草書帖

右六七紙字奇逸難辨如日本書上亦有唐氏雜蹟字印在駙馬都尉李公昭家

顏真卿祭叔濠州使君文

右真蹟楮紙書改抹多在長安安氏子師文攜至京

顏真卿疎拙帖

右麻紙書真字清勁秀發亦與李大夫時顏謫硤州別駕此顏第一帖也

懷素三帖

右絹帖云貧道胸中如刀刺第二帖見顏公第三帖律公發懷素不與世之第一帖也亦見於師文

懷素自叙

右在湖北運判承議郎蘇泌處前一帖破碎不存其

父舜欽補之

庾翼帖全幅上有竇蒙審定印

張芝王翼二帖非真

虞世南汝南公主墓銘

歐陽詢碧箋二帖草聖

顏真卿與李大夫奏事張淑二帖

懷素草書三幅楊凝式書三帖

皇象急就唐撫奇絕

右在故相張公齊賢孫名直清字汝欽處今為楚州
山陽主簿

王右軍桓溫破羌帖有開元印唐懷充跋

右筆法入神竒絕帖與王仲修學士家稚恭帖同是
神物有開元印懷充跋在蘇澄道淵之子之純處今
為歙州判官

王獻之送梨帖有黎氏印連柳公權跋王右軍
言叙帖兩行有貞觀半印徐僧權字

右在左藏庫副使劉季孫處據柳公權跋於唐太宗書前雜出獻之書乃將其父書却黏於獻之帖後云又一帖柳誤以父為子矣況不知書者乎

李邕四帖內一幅碧牋有唐氏雜迹印勾德元圖書記印陳氏圖書印與石夷庚所藏多熱帖同

右在章子厚家

王右軍筆陣圖前有自寫真紙緊薄如金縷索

索有聲

右同上章公自云借於趙竦今為蔡河撥發

王右軍紙妙墨精帖有貞觀印王大令日寒帖
有唐氏雜迹印

右故相王魯家物在其孫景融處後為前龍圖待制
沈括存中取之古跋右軍作羊欣大令作薄紹之仍
將大中歲跋刮去數字填為薛邕記之而故相薛居
正題曰和傳遺余此蓋和凝為薛氏故物歸居正耳

唐太宗雅不喜子敬書故時人以他名名之以應募
所謂紹之書曰乃於耳字不刮去及不次獻之頓首
字猶在一分許可識大中所跋既不能辨復為不鑒
之人所收遂使至寶永失其真吁可痛也

唐僧懷素自序

右在朝奉郎蘇液處杭州沈氏嘗刻板本泌激皆舜
欽子蘇氏自參知政事易簡之子耆耆子舜欽舜欽
子激四世好事有精鑒亦張彥遠之比已上三事並

激云見之

洪元春集右軍越州兩碑

右真蹟在越州僧正子文處嘗通許借未果

褚遂良書黃庭經

右聞綠綾所書丁謂孫倩處質在無錫民家士多因
邑官借出

王右軍書家譜

右在山陰縣王氏家越州教授王渙之以書抵某具

言有此書

虞世南書經

右同上在越州上虞

晉中令王獻之已復此節帖

右在朝請大夫新昌石元之家關景仁屢見之嘗撫石某見兩本字札精妙

虞世南書汝南公主銘起草

右在通直郎洛陽王護處見撫本給事中舉元子云

真蹟在洛陽好事家有古跋

歐陽詢四帖

右同上

顏魯公書韻海

右聞大書朱字魯公書小字他人作蘇駒云在其父
刑部尚書處

柳公權書柳尊師墓誌

右真蹟在錢塘唐垌處

張長史千文三帖

右同上摸石乃李師中也洛陽人

歐陽詢鄱陽帖

右同上摸石在靈隱寺

褚遂良臨王右軍二帖

右同上並坳自云未肯輕出

老子西昇經褚遂良書閣立本畫

右在觀文殿學士洛陽馮京處

晉王渾真草帖晉張翼帖宋阮研帖宋蕭思話
表文帝批答

右在駙馬都尉李瑋處某並見石本後見李云在高
橋楊氏未獲見

顏真卿寒食帖

右綾紙書在中書舍人錢勰處世多石本

王右軍玉潤帖

右蘇州教授閻邱籲云在承議郎建安王寔處有古

跋令裝書人背久不還及剪却半跋皆唐名公也付理不可得匠人願陪四十千即知其竊真得金已多

蘭亭撫本

右正議大夫章惇跋蘇澈所收蘭亭云此與吾家所收同

褚遂良奉書寧帖

右在關杞某見石本

晉葛玄飛白天台字

右見石本真蹟聞在台州

唐東宮長史陸柬之書十八學士贊

右西京留臺王瓘云在舍弟珪處

唐高閑書令狐楚詩

右真蹟在戶部尚書康季常家某見其石本在湖州

歐陽詢二帖

右在朝議大夫晁端彥處其本與蘇州進士周沔

懷素書蕭常侍日下三帖

右同上

宋羊欣宋翼二帖并褚令模蘭亭

右見中書舍人蘇軾云在故相王隨之孫景昌處
石在湖州墨妙亭屢見石本今在沈存中括家

柳公權紫絲鞞蘭亭詩二帖

右待制王廣淵撫石跋云龍圖大諫李公帥府暇日
出請撫石李師中也洛陽人

張長史全本千文

右見臨淮令魯孝蘊云在京師謝氏亦寶文公遠族也

顏魯公帖一軸五幅

右見湖州巡檢供奉官石裔駙馬之孫云在其兄處

王子敬帖

右宣義王碩云其父所收未得將出

宋米芾書史

已見寶章待訪錄者不載

金匱石室汗簡殺青悉是傳錄河間古簡為法書祖

張彥遠志在多聞上列沮蒼按史發論世咸不傳徒欺後人有識所罪至於後愚妄作組織神鬼止可發笑余但以平生目歷區別無疑集曰書史所以指南識者不點俗目

余閱書白首無魏遺墨故斷自西晉

太宗皇帝文德化成靖無他好留意翰墨潤色太平淳化中嘗借王氏所收書集入閣帖十卷內却惜兩行二十四日帖乃此卷中者仍於謝安帖尾御

書親跋三字以還王氏其帖在李瑋家余同王渙之飲於李氏園池閱書畫竟日未出此帖余題曰李氏法書第一亦天下法書第一也

李瑋有唐摹右軍帖雙鈎蠟紙摹末後一帖是奉橘三百顆霜未降未可多得開皇十八年三月二十七日參軍學士諸葛穎諮議參軍開府學士柳述言釋智果跋其尾

晉王獻之十二月帖黃麻紙一印曰鐸書是唐相王

鐸印後有君倩字前有絹小帖是褚遂良題元與
快雪帖相連蘇太簡家物上有國老才翁子美題
跋云僧守一所藏先令以命服得之子美子激字
志東與余分藏以書畫寶玩易之

王右軍東方朔像贊糜破處歐陽詢補之在丁諷學
士家歸宗室令峙劉涇以僧繇畫梁武帝像易去
樂毅論智永跋梁世摹出天下珍之其間書誤兩字
遂以雌黃治定然後用筆今世無此改誤兩字本

流傳余於杭州天竺僧處得一本上有改誤兩字
又不闕唐諱是梁本也

濮州李丞相家多書畫其孫直祕閣李孝廣收右軍
黃麻紙十餘帖一樣連成卷字老而逸暮年書也
後有先君名印下一印曰尊德樂道今印見在余
家先君嘗官濮與李東之少師以碁友善意其奕
勝之余時未生此帖一卷世未見其比故是右軍
名札也又有歐陽詢故事十餘帖老筆相連其子

通書評書一卷張顛絹帖一卷七八帖乃少時書
並在李孝廣處

中貴高樓楊氏收數帖蕭思話表一思話字有鍾法
此乃無而武帝批答四字君臣筆氣一同紙古後
破前完此是唐人所為然亦佳作今人不能為也
又王珉書真草是真蹟有鍾張法張翼當是作宋
翼魏人非真又阮研草帖奇古非偽又一帖如竹
片書亦好事者為之並無古印跋可考

呂夏卿子通直君有歐陽詢草書千文蔡襄跋為智
永通直出示余後跋答以必改評乃跋君欣然遂
於古紙上跋正通直君失其名字

蘇耆家蘭亭三本一是參政蘇易簡題贊第二本在
蘇舜元房上有易簡子耆天聖歲跋范文正王堯
臣參政跋云才翁東齋書嘗盡覽焉蘇治才翁子
也與余友善以王維雪景六幅李王翎毛一幅徐
熙梨花大折枝易得之毫髮備盡少長字世傳衆

本皆不及長字其字二筆相近末後捺筆鈎回筆
鋒直至起筆處懷字內折筆抹筆皆轉側偏而見
鋒斲字內斤字足字轉筆賊豪隨之於斫筆處賊
豪直出其中世之摹本未嘗有也此定是馮承素
湯晉徹韓道政趙模諸葛貞之流榻賜王公者碾
花真玉軸紫錦裝背在蘇氏舜元房題為褚遂良
摹余跋曰樂毅論正書第一此乃行書第一也觀
其改誤字多率意為之有褚體餘皆盡妙此書下

真蹟一等非深知書者未易道也第三本唐粉蠟
紙摹在舜欽房第二本所論數字精妙處此本咸
不及然固在第一本上也是其族人沂摹蓋第二
本毫髮不差世當有十餘本一絹本在蔣長源處
一紙本在其子之文處是舜欽本一本歸余家一
本在之友處

米姓秘玩天下蘭亭法書第一唐太宗獲此書命起
居郎褚遂良檢校馮承素韓道政趙模諸葛貞湯

普徹之流摸賜王公貴人著於張彥遠法書要錄
此軸在蘇氏題為褚模觀其意易改誤數字真是
褚法皆率意落筆餘字皆鈎填清潤有勁秀氣轉
折豪銚備盡與真無異非深知書者所不能到世
俗所收或肥或瘦乃是工人所作政當以此本為
定壬午閏六月文江濟川洲亭艤寶晉齋艤對紫
金浮玉羣山迎快風銷暑几日手裝

宗室叔盎收蘭亭遂不及吾家本在舜欽本上因重

背易其後背紙遂乏精彩然在都門最為佳本王
輩見求余家本曰此湯晉徹所摹與贈王詵家本
一同今甚思之欲得此以自解爾錢唐關景仁收
唐石本蘭亭佳於定本不及余家板本也

泗州南山杜氏父為尚書郎家世杜陵人收唐刻本
蘭亭與吾家所收不差有鋒勢筆活余得之以其
本刻板回視定本及近世妄刻之本異也此書不
亡於後世者賴存此本遇好事者見求即與一本

不可再得世謂之三米蘭亭

朱巨川告顏書其孫灌園屢持入秀州崇德邑中不用為廢余以金梭易之又一告類徐浩書在邑人王衷處亦巨川告也劉涇得余顏告背紙上有五分墨至今裝為祕玩然如徐告粗有徐法耳王詵與余厚善愛之篤一日見語曰固願得之遂以韓馬易去尋於劉涇處易一石也此書至今在王詵處

顏書送劉太沖序碧牋書王欽臣故物後有王參政
名印或謂密為王詵購去

蘇子才收碧牋文殊一幅魯公妙蹟又有與夫人帖
一幅當是其姪今在王詵家

懷素絹帖一軸雜論故事後人分剪為二十餘處王
詵累年遂求足元數又一云史陵者絹帖以六朝
古賢一幀易與王詵

馮京家收懷素絹上詩一首張伯高少時絹上草書

兩幅張書今歸薛紹彭

薛紹彭有懷素一軸絹書肅宗行書綾紙千文購於
錢景湛處又王仲至處褚書麻紙一幅楊凝式小
字黃麻紙一幅余皆見之歐陽詢孝經一卷薛臨
寄錢公未見真蹟

張伯高五帖黃經紙少時書在楊傑家傑父學草故
收得逐語斷處即剪作一軸黃油拳經紙與王仲
至千文一同並無古印跋

蘇子純藏張顛草書又蘇泌房所藏詞云國士何日
得至南中皆非伯高真蹟亦無古印跋

唐垌處黃楮紙伯高千文兩幅與刁約家一同是暮
年真蹟刁氏者後有李王徐鉉跋為人偽刻建業
文房之印印之連合縫印破字每見令人歎息

虞世南頭眩藥方雙鈎摸本在鮑思傳家後為俗人
添入羲之兩字傳入晉州法帖以為右軍書龔蹟
可笑

李錞收唐人歐行書兵歲劉沖之丞相家物

劉涇倅莫王貽永侍中孫為守得摹帖一卷乃曹曹
參軍李懷琳偽作七賢帖後人所撰也後余以畫
易於劉涇分前四帖與李錞皆正觀閣一種偽好
物

楊凝式書類顏魯公爭坐位帖秘閣校理蘇泚家有
三帖與薛紹彭家所藏正書相似余三次易得後
以第一易於王詵第二易於劉涇

張直清家楊凝式數帖真行甚好

劉瑗收碧牋王帖上有勾德元圖書記保合太和印
及題顯德歲嘗愛吾家顧愷之淨名天女欲以畫
易吾答以若有子敬帖便可易伯玉答曰此猶披
沙揀金此語甚妙

余收子敬范新婦唐摹帖獲於蘇激家後有倩仲跋
余題詩黃庭堅和題於後蔣子奇和三首呂升卿
和二首劉涇和兩首余章和二首余後二首又再

和者共成一軸林子虛借去未還

劉涇收許渾烏絲欄手寫詩一百篇字法極不俗第
一篇湘潭雲盡暮煙出巴蜀雪消春水來蓋是面
觀西南世界一段物色自有識者知之剪前一幅
易與杜介一幅在王詵處

劉涇在宿州平生初收白麻紙臨顏書太冲序乃其
秘笈第一物至潤收封教行李文饒太尉告許渾
詩次得智永板本千文其後得余家十七帖日本

書及日本告吳融司空圖贈詥光歌張顥詥光亞
栖等書韓馬戴牛

劉涇於楊傑處得貞觀御府內史官奴帖余以十七
帖以下諸物易歸余家先於唐垌處得右軍尚書
帖云得於僧清道亦有正觀印印文遂復合仍帶
元截紙痕一條故一物也林希見余家此軸歎云
祕府所有殆不過是嘗見閣下一卷字印相去五
寸許不相連若真印印則四枚理無平均若偽雕

必只一鈕用皆齊一也余聞之愠甚懶展閱愠極
試取視之左右上下無一相當者疾呼林過與語
所以公擊節曰公此書愈妙也方是時劉涇不信
世有晉帖後十五年始得子鸞字帖云是右軍余
云恐陳子鸞未經余目後薛紹彭亦云六朝書

薛紹彭以書畫情好相同嘗寄書云書畫間久不見
薛米余答以詩云世言米薛或薛米猶言弟兄與
兄弟四海論年我不卑品定多知定如是劉涇過

薛見書大叫書來云云余答以詩云唐滿書奩晉
不收却緣自不信雙眸發狂為報蔡龍子不怕人
稱米薛劉劉君舊不收晉帖云無真只收唐帖故
有是句

余臨大令法帖一卷在常州士人家不知何人取作
廢帖裝背以與沈括一日林希會章惇張詢及余
於甘露寺淨名齋各出書畫至此帖余大驚曰此
希書也沈勃然曰某家所收久矣豈是君書希笑

曰豈有變主不得認物耶

余居蘇與葛藻近居每見余學臨帖即收去遂裝黏作二十餘帖倣名畫記所載印記作一軸裝背一日出示不覺大笑葛與江都陳叟友善遂贈之君以為真余借不肯出今在黃材家

余臨張直清家虞永興汝南公主墓誌浙中好事者以為真刻石右軍帖尤多

右軍唐摹四帖一帖有裏鮓字薛道祖所收命為裏

鮓帖兩幅是冷金硬黃一幅是楮薄紙摹右軍摹
年更妙帖也其一幅云欲與彥仁集界上平自可
且何所諮人乃王道平平其平字音便又見晉人
語氣上有弘文印印在帖心面上不印縫四邊亦
有小開元字印御府帖也

宋子房收得唐開元摹右軍帖末有李林甫等臣跋
今歸王詵翰林印皆在也內異熟一帖歸薛紹彭
王詵收勅一道是賜浙西節度旌節與顏魯公前中

書門下如今制後郭子儀書名

許彥先有南州刺史告真卿二字吏部尚書時字甚
淳勁

蘇耆書畫記述與鳳師賞閱數日內史與王述帖刻
在江南十八家帖中本朝以碑本刻入十卷中較
之不差毫髮

又二帖云增慨安西是也上有筆精墨妙印蘇耆題
二字余得於王詵以文皇手詔易之文皇詔宋素

臣尚書家物

晁端彥收懷素與皇少卿東大紙一軸筆勢簡古

呂昌道家有懷素兩帖少年所書也今歸錢勰家又
王欽臣有懷素以詩代懷寄浩公碧綠地雜色纈
上草書老筆特妙

呂穆仲侍郎收李陽冰白麻篆一卷細與縉雲石刻
相似

文勛有一軸黃麻篆陽冰少時書

蘇台文收張從申墨蹟一卷是唐垌言余未見
唐玄度諸體詩粗有古意李瑋家一樣有兩冊

關景輝家刻石子敬帖節過觸事云云甚奇妙云真
蹟在石元之大夫家今在其子縣尉處

蘇州邵元伯收蘇沂所摹張顛賀八清鑒帖與真更
無少異又摹懷素自叙嘗歸余家今歸吾友李鐔
一如真蹟

程師孟語余四十千置得古摹蘭亭一本白玉軸欲

出示竟不曾取今在子宏處王安上曾見之

唐人摹右軍丙舍帖暮年書在呂文靖丞相家淑問處法書要錄載是臨鍾繇帖薛紹彭摸得兩本一以見贈

柳公權書陰符經有會昌日月姓名為馬玘借去未還今知其子永稽能保惜在合肥江南文房物也王仲修收唐湖州刺史楊漢公書有鍾法與襄陽羅讓能書碑同余家亦收一紙後題會昌年臨寫鍾

表今易歸薛紹彭家

唐司議郎陸東之書頭陀寺碑前少兩幅獲於吳郡
世未有此書內空山字後筆以氏族志檢之父名
山才及王詵處收錢氏臨陸蘭亭皆空山字王仲
孜收蘭亭詩一卷余以頭陀碑一幅及智永帖換
宗室令穰歐書語箴一幅與薛紹彭分收

李邕勝和帖余以六朝畫古賢韓馬銀博山金華洞
天石古鼎復忘記數物易得於呂公孺孫端問處

余嘗以碧箋臨李三帖與真無異呂攜去裝褫矣
有人收得虞永興與圓機書一紙剪開字字賣之至
礬卿二字得麻一斗鶴口二字得銅研一枚房邨
二字得半千頭隨人好之淺深

李氏衛帖云衛稽首和南近奉勅寫急就章遂不得
與師書耳但衛不能拔賞隨世所學規模鍾繇遂
多歷年二十著詩論草隸通解不敢上呈衛有一
弟子王逸少甚能學衛真書咄咄逼人筆勢洞精

字體適媚師可詣晉尚書館書耳仰憑至鑒大不可言弟子李氏衛和南此帖比今閣帖字亦多亦其所撰也次無名帖次却超帖亦摹其閣帖中次陸機衛恒帖衛亦摹入閣帖也後余以畫易於劉涇分前四帖與李鐔皆正觀間一種偽好物雙鈎摹歐帖上有印云清河張廷範印余跋曰唐人所摹

歐陽詢黃麻紙草書孝經是馬季良龍圖大夫直溫

所收今歸薛紹彭家

宗室令穰收歐陽詢三軸第一軸蘇彥語箴次幅故事兩段有開元縫印翰林之印李林甫臣等跋及知書樓官名字末後唐賊蔣元暉題宣徽兩院使印余以智永三行帖陸東之頭陀寺碑一幅易得語箴第二軸草帖五紙第三軸行書故事皆有開元姚宋印跋草帖乃暮年書精彩動人行書少時書也

智永臨右軍五帖獲於吳郡因託薛紹彭書考妣會稽公襄陽丹陽二太夫人告贄為潤筆薛以書畫還往出處必同每以鑒定相高得失評較

薛書來云購得錢氏王帖余答以李公炤家二王以前帖宜傾囊購取

薛書來云新收錢氏子敬帖獻之上刮去兩字余以為操之字後人恐以為操之故刮去


無錫唐氏有雙鉤右軍十七帖有精彩錢塘僧了性

收一卷楮紙一同唐垞家有一卷是錢氏物紙白
唐氏又收碧綾黃庭經云是褚遂良書非也上有
江南李重光清輝二字小印云是丁晉公家族人
所質錢氏所收浩博帖云臣節分嚴外無典掌之
所故不簿上而諸位咸有法書臨搨甚多常州使
君景湛房下往往為人購去薛紹彭收蕭宗千文
字上皆有希聖字印忠孝之家圖錢印錢氏書堂
印錢總房下有史孝山出師頌題作蕭子雲亦奇

古又有寫白樂天詩一首是唐人書亦秀潤天氣殊未佳顏魯公帖綠棗花綾是唐人勾填圈深墨淺

王詵每余到都下邀過其第即大出書帖索余臨學因櫃中翻索書畫見余所臨王子敬鵝羣帖染古色麻紙滿目皺紋錦囊玉軸裝剪他書上跋連於其後又以臨虞帖裝染使公卿跋余適見大笑王就手奪去諒其他尚多未出示又余少時使一蘇

州背匠之子呂彥直今在三館為胥王詵嘗留門
下使雙鉤書帖又嘗見摹黃庭經一卷上用所刻
勾德元圖書記乃余驗破者



六藝之一錄卷三百七十六

欽定四庫全書

子部

六藝之一錄卷三百七十八

詳校官中書臣陸湘

總校官檢討臣何思鈞

校對官中書臣陸湘

謄錄監生臣王宮

欽定四庫全書

六藝之一錄卷三百七十七

錢唐倪濤撰

歷朝書譜六十七

鑒藏

宣和書譜

御府所藏
絕傳書帖已載
前譜茲不重述

歷代諸帝王

晉武帝

草書二

唐太宗

正書一
行書九
草書四

唐明皇

隸書四
行書二十一

唐肅宗

行書七

唐代宗

行書七

唐德宗

行書一

唐宣宗

行書三

唐昭宗

行書一

唐則天皇后

行書一

梁太祖

行書一

梁末帝

行書一

周世宗

行書一

篆書

唐李陽冰

篆書三

唐衛包

雜篆篆書一

唐唐元度

篆書一
正書三

唐釋元雅

科斗小篆一

宋益端獻王

篆書一

宋徐鉉

篆書七

宋章友直

篆書一

隸書

唐韓擇木

隸書二
八分書

正書

魏鍾繇

正書一

宋蕭思話

正書一

齊王僧虔

正書二

隋薛道衡

正書一

唐褚遂良

正書五
草書四

唐顏真卿

正書六
行書二十二

唐徐浩

正書三

唐元稹

正書一

唐李商隱

正書一
行書二

唐柳公權

正書六
行書五

唐蕭遘

正書一
行書一

唐陸扆

正書一

唐李嶠

正書一

唐詹鸞

正書二

唐顧紹孫

正書一

唐陸希聲

正書一

唐楊鉅

正書一

唐崔遠

正書一

唐張顥

正書一

唐鄭實

正書一

唐戎昱

正書一

唐趙模

正書一

唐許渾

正書二

唐張欽元

正書二

唐楊庭

正書一

唐景審

正書一

唐鈕約

正書一

唐女仙吳彩鸞

正書十三

唐道士杜光庭

正書一

唐道士梁元一

正書一

唐釋曇林

正書一

吳越國錢鏐

正書一

南唐主李璟

正書一

五代薛貽矩

正書一

五代盧汝弼

正書一

五代豆盧革

正書四
行書六

五代王仁裕

正書一

五代楊邠

正書一

宋宋綬

正書八

宋蔡襄

正書三

宋石延年

正書一

宋陸經

正書二

宋王子韶

正書一

宋道士陳景元

正書六

宋山人蒲云

正書二

宋釋法暉

正書一

行書

晉王衍

行書一

晉謝奕

行書一

晉桓溫

行書二

晉謝安

行書三

晉謝萬

行書二

晉陸玩

行書一

晉張翼

行書一

晉王濛

行書一

晉王徽之

行書四

晉王邃

行書一

宋孔琳之

行書一

梁陶弘景

行書六

梁王筠

行書一

陳陳叔懷

行書一

陳蔡凝

行書一

唐虞世南

行書九

唐歐陽詢

正書四

行書三十

唐歐陽通

行書二

唐陸柬之

行書五

唐李邕

行書十

唐吳通玄

行書三

唐李白

行書二

唐張籍

行書一

唐裴潏

行書一

唐杜牧

行書一

唐李景讓

行書一

唐崔龜從

行書一

唐白居易

行書五

唐裴休

行書一

唐司空圖

行書二

唐盧如猷

行書一

唐吳融

行書一

草書一

唐韓偓

行書二

唐任疇

行書一

唐林藻

行書一

唐徐凝

行書二

唐韋榮宗

行書五

唐蘇靈芝

行書一

正書一

唐婦人薛濤

行書一

唐道士魚又玄

行書一

唐釋懷仁

行書一
草書一

唐釋行敦

行書一

唐釋齊己

行書七
正書二

五代羅隱

行書四

五代韋莊

行書三

五代張徐州

行書一

五代潘佑

行書一

五代孫昭祚

行書五

五代釋應之

行書二

江南後主李煜

行書二十二
正書二

宋李建中

行書四

宋蘇舜欽

行書四
草書一

宋王安石

行書一

蔡京

行書七十六
正書一

宋蔡卞

行書六

劉正夫

行書二

宋米芾

行書二

宋內臣岑宗旦

行書四

草書

漢張芝

章草一

魏曹植

章草一

蜀諸葛亮

草書一

吳皇象

章草一

晉張華

草書一

晉杜預

草書一

晉衛恒

草書一

晉王渾

草書一

晉王戎

草書一

晉陸機

章草一

晉索靖 章草四

晉却鑒 草書一

晉卻愔 章草一
草書一

晉王廙 草書一
行書二
章草一

晉王敦 草書一

晉王導 草書二

晉王恬 草書一

晉王洽 草書一
行書三

晉王珣 草書一
行書一

晉王珣 草書一
行書一

晉謝尚 草書一

晉庾翼 草書一
行書一

晉王羲之 草書一百九十四
正書七
行書四十一
章草一

晉王獻之 草書五十三
正書二
行書三十一
章草三

晉詹思遠

章草一

宋王曇首

草書一

宋羊欣

草書一

宋謝靈運

草書一

宋薄紹之

草書二

齊劉珉

草書一

梁沈約

草書一

梁蕭子雲

草書一
正書二

梁阮研

草書三

陳陳伯智

草書一

陳蔡景歷

草書一

陳蔡證

草書一

陳陸繕

草書一

陳毛喜

草書一

陳江總

草書一

陳鄭仁

草書一

陳陳達

草書一
行書一

隋釋智永

草書十三
章草十

裴行儉

草書一

唐賀知章

草書十二

唐徐嶠之

草書一

唐張旭

草書二十四

唐孫過庭

草書三

唐周羲

草書一

唐李霄遠

草書二

唐張仲謀

草書二

唐裴素

草書一

唐韋權

草書二

唐張庭範

草書三
行書四

唐胡季良

草書五
行書五

唐章孝規

草書一

唐釋懷素

草書一百有一

唐釋亞棲

草書一十五

唐釋高閑

草書一
行書二

唐釋智光

草書二

唐釋景雲

草書一

唐釋貫休

草書七
行書一

唐釋夢龜

草書十

唐釋文楚

草書一

五代杜荀鶴

草書一

五代錢存貴

草書五

五代楊凝式

草書一
行書一

正書一

神仙鍾離權

草書一

宋錢俶

草書二

宋杜衍

草書一

宋周越

草書三

八分書

唐于僧翰

八分書二

唐張彥遠

八分書四
草書七

唐貝冷該

八分書一

唐釋靈該

八分書一

制詔告命

補縣附

唐詔

湯開山

唐告

臨後周顏之儀

周法明

許圜師

狄仁傑

郭元振

賀知章二

魏處哲二

魏處哲妻侯氏

徐嶠之

張九齡考課二

白知節

馬定苦

嚴武

庫令望

魏洽

張庭詢

朱巨川

張楚金

李衍

唐大國

渾瑊

齊抗

湯從義

白居易

王審隨二

李德裕

許渾

李叢

李思

鄭凝績

朱全忠

李能

羅隱

唐牒

白寡辭

白彥將

王審隨

五代制

後唐李彥超

五代告

蜀王宗綰二

晉趙仁寶

五代牒

後唐趙仁寶

南唐國導師告

日本國康保偽告二 大理國相國布燮告

大理國督爽牒

宋中興館閣儲藏

名賢墨蹟八十九軸朝廷續行降付并前錄所載
舊藏一百二十六軸一冊附錄名氏於此

魏一軸鍾繇議事表一

晉十七軸王羲之十四日帖一因緣等九帖一二書
帖一數年帖一四月帖一送梨帖一奉憶帖一十

月帖一數有帖一書至帖一草書帖三王獻之三
帖一東山帖一王恬簡尺一永和元年金剛經一
齊一軸蕭子雲奏表一

梁一軸簡文帝製通玄寺石像文一

唐六十四軸明皇嘉賓敕一賜李含光敕一批答李

含光表一批答裴耀卿等奏狀一肅宗賜李含光

敕一蕭瑀歲旦詩一褚遂良臨王羲之黃庭經一

鈎摹王羲之十七帖一歐陽詢簡尺一新序帖一

書度尚庾亮帖一道夫帖一狄仁傑謝狀一李白
廿日醉題詩一又送賀八歸越詩一胡英樂府詩
一李邕簡尺二顏真卿敘一祭文草一千祿字一
李陽冰篆三李商隱月賦一張顛草聖帖一率意
帖一諸舍帖一又王粲評詩三李德裕答狀一白
居易簡尺二與劉夢得帖一崔驥回求字帖一李
揆連句一畢誠啓狀一柳公權伯氏帖一曹剛中
投醪帖一王拾遺草書千文一蕭氏示三兒生日

詩一史惟則篆隸一褚庭誨法書一顏氏家譜一
孫思邈粟米帖一吳彩鸞切韻一貝靈該遊天竺
寺詩一禪月大師手帖一僧亞棲草聖三又詩一
僧齊己啓狀一謝狀一僧高閑草聖二草書退之
送序一僧懷素草書千文二孝經一自序帖一上
定襄郡王帖一僧智永真草千文一

唐朝不知名者六十八軸一冊張九齡告一顏澣告
二殷開山贈告一朱巨川告二顏允南告一顏思

魯告一楊美告一桑如珪母王氏告一張令曉守
賓州磐石縣令告一李叢告一魏洽告一嚴武告
一張彬告一李紳拜相告一許圜師告一李能告
一張庭詢告一許渾告一鈎摹王羲之六帖一十
三帖一樂毅論二鈎摹王獻之洛神賦一臨王獻
之憂懷帖一鈎摹蘭亭二書李郢七言詩一元和
名賢書文館詞林一草聖千文一唐韻三又一冊
琴手勢譜序一草書寄人詩一草書洛神賦一欲

到帖一釋氏說一文思博要一節史十八節漢史
二節史小楷一晉陽秋一清淨經一又草書清淨
經一佛本行集經一小字法華經一挂軸書大中
之寺二

五代十四軸南唐李後主書誦經回向辭一發願文
一詩詞一招賢詩一錢王牒一楊凝式二帖一又
四帖一記崔處士詩一宋齊邱延賓亭記一徐鉉
送淨公上人東遊詩一徐知訓臨王羲之帖一南

唐沙門應之千文一南唐人臨李陽冰小篆一序

洛詩藁一

皇朝四十九軸鍾離景伯蘭亭一蔡君謨臨懷素詩

一壓勒千文一米芾遊寶靈詩一西山書院雜咏

一請諫公住持疏一偈一和張磐韻詩一避暑多

景樓詩一觀雪湧金詩一又觀雪碧湘詩一雜書

詩文三十八

皇朝祖宗御書法帖十卷五十六段

闕四

太宗三十

一闕三字仁宗九英宗一神宗一哲宗一徽宗五欽

宗三秘書監沈揆跋文一以上石刻嘉定三年改
會要所楷書案爲庫置架設之榜曰御書石刻用
東廊舊碑摹刻

太宗皇帝御書飛白祕閣字一御製御書祕閣贊序
一設祕閣下

高宗皇帝草聖歌詩摹刻漆屏二嘉定元年降付設
於朝廷道山堂

德壽慈福兩宮御書觀音經共八段元在碑石庫嘉定三年置架設於羣玉堂東偏

孝宗皇帝御書秋日幸祕書省近體詩一狼石銘一光宗皇帝御書壽聖皇帝聖政序一以上皆在祕閣西廂榜曰御書石刻

今上皇帝御書聖安壽仁太上皇帝聖政序一設祕閣下

淳熙祕閣續法帖十卷七十三段第一卷魏鍾繇晉

王羲之書第二卷王羲之獻之書第三卷唐歐陽
詢蕭瑀褚庭誨孫思邈狄仁傑張長史顏真卿書
第四卷唐明皇書第五卷李白胡英李邕白居易
書第六卷唐張九齡李紳書第七卷李陽冰李德
裕畢誠李商隱書第八卷懷素書第九卷高閑亞
栖齊己書第十卷楊凝式無名人書以上石刻在
西廊史庫之南碑石庫

羣玉堂法帖十卷共一百四十一段第一卷高宗皇

帝御書三生銘孝經孝宗皇帝御書典論光宗皇
帝御書甘泉賦憲聖慈烈皇后御書千文歸田賦
第二卷王右軍王司徒隋僧智永無名人書第三
卷歐陽率更虞少監褚中令李北海顏魯公徐內
史張司業高閑上人柳諫議楊少師書第四卷懷
素千文第五卷晏元獻杜正獻范文正文忠烈富
文忠包孝肅趙清獻唐質肅張文定韓獻肅王文
公司馬文正韓門下劉忠肅蘇文定鄒忠公陳忠

肅書第六卷蘇東坡書第七卷黃山谷書第八卷
米南宮書第九卷李後主錢忠懿徐騎省李西臺
楊文公錢內翰宋宣獻石曼卿蘇才翁蘇滄浪石
徂徠唐彥猷陸子履沈存中沈叡達滕章敏魯南
豐劉貢父林和靖錢文肅王仲至范內翰張存誠
張浮休楊無爲秦淮海張右史晁吏部李姑溪李
龍眠賀慶湖劉巨濟薛道祖毛東堂周清真蔡紫
微蘇後湖韓陵陽陳簡齋張無垢書第十卷蔡忠

惠石曼卿書以上碑刻原係安邊所申發朝廷嘉定元年承朝廷降下三年以著廷東廊屋三間爲庫置架設之榜曰羣玉堂石刻著作佐郎博行簡書

王獻之保母誌一慶元間山陰有人發地得此嘉定元年朝廷降下盛以漆匣藏於搜訪庫

韓魏公帖四十三段在碑石庫

宰輔三館題名一館閣續題名二以上在道山堂

進中興館閣書目題名一在西廊拜閣侍班所

著廷記一嘉定二年著作佐郎楊簡撰并書

暴書會題名淳熙五年九月六年九月七年七月八

年七月慶元二年七月以上在東廊拜閣侍班所

淳熙九年七月十一年七月十二年七月紹熙元

年七月三年七月四年七月五年七月開熙元年

七月以上在西廊拜閣侍班所

宋紹興御府書畫式

周密齊東野語

思陵妙悟八法留神古雅訪求法書名畫不遺餘力
清閒之燕展玩模搨不少怠蓋睿好之篤不憚勞費
故四方爭以奉上無虛日後又於榷場購北方遺失
之物故紹興內府所藏不減宣政惜乎鑒定諸人如
曹勛宋貺龍大淵張儉鄭藻平協劉琰黃冕魏茂實
任源輩人品不高目力苦短凡經前輩品題者盡皆
折去故今御府所藏多無題識其源委授受歲月考
訂邈不可求爲可恨耳其標飾裁制各有尺度印識

標題具有成式余偶得其書稍加考正具列於後

上等真蹟法書兩漢三國二王六朝隋唐君臣墨

蹟

並係御題
各書妙字

用克絲作樓臺錦標 青綠簞文錦裏

大薑牙雲鸞白綾引首

高麗紙暉

上等白玉碾龍簪頂軸

或碾花

檀香木桿

鈿匣盛

上中下等唐真蹟

內中上等並降付米友仁跋

用紅霞雲鸞錦標

碧鸞綾裏

白鸞綾引首

高麗紙罽

白玉軸

上等用簪頂餘用平頂

檀香木桿

次等晉唐真蹟

并石刻晉唐名帖

用紫鸞鵲錦標

碧鸞綾裏

白鸞綾引首

蠲紙罽

次等白玉軸

引首後罨卷縫用御府圖書印

引首上下縫用紹興印

鈎摹六朝真蹟

並係宋友仁跋

用青樓臺錦標

碧鸞綾裏

白鸞綾引首

高麗紙罨

白玉軸

御府臨書六朝義獻唐人法帖并雜詩賦等

內長篇不

用邊道衣古厚紙不揭不背

用氈路錦

衲錦

柿紅龜背錦

紫百花龍錦

阜鸞綾標等

碧鸞綾裏

白鸞綾引首

玉軸或瑪瑙軸臨時取旨

內趙世元鈎摹者亦用衲錦標

蠲紙贖

瑪瑙軸

並降付莊宗古鄭滋今依真本紙色及印記對樣
裝造將元拆下舊題跋揀用

五代本朝臣下臨帖真蹟

用皐鸞綾標

碧鸞綾裏

白鸞綾引首

夾背蠲紙贈

玉軸或瑪瑙軸

米芾臨晉唐雜書上等

用紫鸞鵲錦標

紫純尼裏

揩光紙贈

次等簪頂玉軸

引首前後用內府圖書內殿書記印或有題跋於

縫上用御府圖籍印最後用紹興印並降付米友仁親書審定題於暎卷後

蘇黃米芾薛紹彭蔡襄等雜詩賦書簡真蹟

用阜鸞綾標

白鸞綾引首

夾背蠲紙暎

象牙軸

用睿思東閣印內府圖記

米芾書雜文簡牘

用阜鸞綾標

碧鸞綾裏

白鸞綾引首

蠲紙贖

象牙軸

用內府書印紹興印

並降付米友仁驗定今曹彥明同共編類等第每

十帖作一卷

內雜帖作冊子

趙世元鈎摹下等諸雜法帖

用阜木錦標

瑪瑙軸

或牙軸

前引首用機暇清賞印縫用內府書記印後用紹

興印仍將原本折下題跋揀用

宋宣和癸卯御府藏

鐵圍山叢談

晉二王破羌洛神諸帖

首爲奇絕

唐人用硬黃臨二王帖

至三千八百餘幅

顏魯公墨蹟

至八百餘幅

歐虞褚薛及名臣李太白白樂天等書字

不可勝會命宋喬年掌之

後繼以

米芾輩

宋潤州蘇氏家藏

張邦基墨莊漫錄

太宗賜易簡御書宋玉大言賦并名真戒酒批答

鍾繇賀吳滅關帥上文帝表

王右軍答會稽內史王述書

雪晴寄山陰張侯帖

獻之秋風辭

梁蕭子雲節班固漢史

唐褚遂良摹本蘭亭

李太白天馬歌

賀知章醉中吟

張旭書逸人壁

顏魯公進文殊碑

讀李陽冰篆

新泉銘

永禪師真草十文

齊已題贈

以上皆真蹟

朱南宮祕玩法書目

書畫舫

王右軍官舍尚書二帖

快雪時晴帖

吳融博士帖

破羌帖

謝安慰問帖

晉賢十三帖

大令中秋帖

陶隱居朱陽帖

梁臨樂毅論

智永臨右軍五帖

唐文皇手詔

歐陽詢度尚庾亮二帖

歐陽詢春雨帖

褚摹蘭亭

唐摸大令范新婦帖

陸東之頭陀寺碑

徐浩古詩帖

張長史秋深帖

李邕多熱要葛粉帖

光八郎帖

勝和帖

唐摸十七帖

懷素去夏帖

又貧道等三帖

顏魯公朱巨川誥

司空圖贈廣歌

一云贈
歌也

楊凝式畫寢大仙二帖

趙承旨倪高士藏襄陽寶章待訪錄真蹟

珊瑚網

存覆承須寶章待訪錄馳上此海岳遺蹟幸祕之不
宣存和南子昂承旨相公

倪瓚

祕閣寶章待訪錄大米小楷真蹟秀潤圓勁固足
壓倒蘇黃尤是用筆妙處極得右軍樂毅論法平
原陸完楷評善書者必能深辨丁丑九日燕市重

裝謹題

海岳小楷世所罕觀此寶章待訪錄全出泰和家
法時雜歐褚筆仗定爲盛年真蹟無疑張奉

米禮部小楷寶章待訪錄趙承旨倪高士故物也
近幸拜觀於陸氏乃述贊以志之嘉靖甲子茂苑
文嘉 右軍楷法首推黃庭寶章待訪異世同神
字字注目畫畫抽心誰其似之美玉精金

米元章楷法原從歐褚顏柳來蚤歲正書寶草待

訪錄藁宋末藏釋存此山處珍異不在辨才老楔
序下皇元有國時轉入子昂元鎮兩名家今孟頫
印記暨存手簡懶瓚題名前後燦然溢目而不作
跋者蓋其慎也或疑是錄行筆結字極其沉著痛
快頗乏嫵媚姿態殆秦觀薛紹彭輩見元章論著
可喜手錄副本以傳故行間字體多譌謬亦一証
云丑按元章誕生皇祐辛卯是錄脫稿實以元祐
丙寅比時纔年三十有六正其追想歐柳之日時

露褚顏遺法固宜小楷精謹點畫畧無欹側趙倪
諸公購而藏之真具眼哉憶數年前曾見元章奉
敕臨黃庭袖卷係宋祕府名蹟筆意與是錄正同
世謂元章無楷法者誤矣至於簡字作簡帖字作
帖自是古文通用如王逸少書中淡悶干嘔之例
未足爲元章病也私心嚮往有年百計購得於陳
湖陸氏聊志其槩以當附驥云爾萬厯乙卯初月
八日吳郡後學張丑青甫記

海岳翁小冊寶章待訪錄筆園團扇西園雅集叙
筆媚雖真行異體各自到也皮相者至謂寶章錄
法度森嚴似不出翁之手何異宋人評張旭遺蹟
信千字而疑郎官石柱記是徒聞騏驎千里而未
嘗知服襄之在法駕也噫張丑又跋

米南宮寶章帖裝成志喜一絕

南宮楷法本唐人隻字堪爲席上珍展開寶章千
丈錦流傳萬古韻常新 丑

賈似道悅生堂別錄

清河書畫舫

似道留心書畫家藏名蹟多至千卷其宣和紹興
祕府故物往往乞請得之今除烜赫名蹟載悅生
古蹟記者不錄錄其稍隱者著于篇

崔瑗臨史游急就章

王廙仲春帖

王導省示帖

衛恒往來帖

王徽之至節帖

王珣三月帖

張翼舅氏帖

王濛餘杭帖

張翰思鄉帖

孔琳之日月帖

謝靈運古詩帖

梁武帝異趣帖

王筠至節帖

蕭思話奏事帖

王僧虔陳情帖

蔡景歷寂然帖

陸繕稽古帖

唐代宗守歲詩

裴行儉千文

李陽冰篆書心經

李白乘興帖

徐嶠之天童經

杜甫秋日夔府詠懷一百韻

杜牧之張好好詩

白居易豐年帖

張籍希深帖

李商隱正書月賦

陸希聲贈詈光詩

許渾烏絲欄詩稿

杜光庭詩帖

楊庭五蘊論

薛濤萱草詩

韓偓芝蘭帖

蘇靈之達摩銘

王仁裕送王禹偁詩

錢鏐貢棗帖

歐陽修贈蘇子美詩

石延年大字詩帖

陸經武林謠

陳景元巖棲賦

張九成小字黃庭經

釋法暉細書經塔

六藝之一錄卷三百七十七